

康熙臺灣府志

第
一
冊

康熙臺灣府志

禁飭插蔗并力種田示

高拱乾

為嚴禁申飭插蔗并力種田以期足食以重邦本事
照得臺灣孤懸海外止此沿邊一線堪以墾耕地利
民力原自有限而水陸萬軍之糧糈與數萬之民食
惟于冬成稻穀足賴也雖此地之煖甚于內地然一
年之耕種僅此一次收穫總因多風少雨播種插秧
每有愆期故十年難必有五年之獲加以從前蝗虫
之後繼以颶風稻穀歛收鮮有蓋藏正當盡力種稻
期以充積倉儲預防歲歉庶可望含哺鼓腹樂享熙
皞也不謂爾民弗計及此偶見上年糖價稍長惟利
是趨舊歲種蔗已三倍于往昔今歲種蔗竟十倍于

舊年蠲爾之區力農止有此數分一人之力于園卽
少一人之力于田多插一田之廢卽減收一田之粟
年復一年有復無已夫果有利爾民本道豈不樂從
但爾民愚無遠慮止知種蔗砍糖便可取利殊不知
人盡種蔗則出糖倍多糖多則價必賤不比上年之
糖少價長也明矣在歲豐之日固可以糖易穀輸課
并供糧食萬一復遇歲歉寡收稻穀種田有數者除
完課外計口防饑必不見于人爾種蔗者卽有糖不
足以爲數非特無以完公更思靡可餬口數黨軍民
需米正多則兩隔大洋告糴無門縱向內地舟運動
經數月誰能懸釜以待是爾民向以種蔗爲利者不

終以缺穀自禍。爰本道監司茲土愛惜爾民其足食
邦本不得不總總過慮也。合就出示禁飭。為此示仰
所屬士民人等知悉。務各詳繹示飭至意。須知競多
種歲勢必糖多價賤。尤無厚利。莫如相勸種田多收
稻穀。上完正供。下贍家口。免過歲歉。呼飢稱貸。無門
尤為有益。除行縣確查。將開過歲園按畝清查。通報
起科外。倘敢仍前爭效。插歲以致將來有悞。軍糧自
干提究。噬臍莫及其壞道之勿忽。

序

捐修諸羅縣學宮序

高拱乾

繼往開來道莫高于

夫子梯山航海治莫盛于

同朝至治之徵無忍不服大道之象有目共瞻是以

萬衆鼎尊猶敦師禮百蠻殊俗咸被文風有天下建學以

來數仞宮牆比崇日月人材于是乎出教化于是乎

興故瞻其居重其道則為名將相為賢卿大夫為貞

婦義士順孫孝子不則蠢然塊然草木昆蟲等耳

至聖垂教大而倫常功業小而飲食日用無所不寓不必

盡出膠庠之中莫非沐浴詩書之澤雖極頑冥無知

往往頻首謁

聖賸車服禮器而化其難馴之氣譬諸東風解凍和氣飲
人其神妙有莫可名言者臺以海外地明季通商始
有漢人迨鄭氏遁踞舊家世族或從而東生聚有年
而絃誦猶未廣也越至于今輸誠納土島民得觀天
日今設郡縣招徠愈衆十餘年間聲教大通人文駿
麗蔚起卽深山邃谷文身黑齒之番皆知向風慕學
有識之士咸謂治以道隆道隨治廣從北海波不揚
內外如郡魯矣然百務草創規制尚簡諸羅學宮節
屋三楹更大不稱余備兵于此兼分視學之任每問
其令以城垣未建學基恐有更易為對荏苒三載時

起余懷令余仄期已屆諸生以舊基甚吉欲謀拓新
而諸羅及臺鳳三城營建尚未有日則先大吾

夫子之宮又務之當急者也余雖不敏何敢以五日京兆
諉之後之君子既捐俸為倡復商

諸君子者力難獨任也尊

師好義之名又不敢自負也

道臺無功公擢常禁軍之京序

高拱乾

國家大一統成德石堂神神得人其出異材入典
衡允膺心贊執賦之書者道執前古哉

皇上聖神文武削平吳耿諸逆如殲封豕聲靈震疊重輝
獻琛臺灣橫峙海外為偏藩鄙以道進教望風納土
悉為郡縣濱海之民莫不相慶于野於是該文更以
治之勦平萬人更番戍守油幢王帳之選旌難稱
大總戎務公由禁近出鎮海壇移副斯將軍康熙三十
年春臺鎮虛席

天子臨念四省藩蔽之地遠人新附宜掬以持重大有為
之將吏知公皆在海壇得兵民心復命都督臺軍

而攝膚如拱乾亦于明年三月祔家

特旨來巡東土與公和衷協力共宣

聖主綏柔荒服之德當令公敷陳懋著入掌贊猷臺之

香民仰而流涕繼留不可得節旆將行群情依依公

受公教益厚何能慈然于懷也夫人風之事君

也非盤錯無以見長非貞苦罔以表忠而豪傑不器

之士用諸內外而咸宜任以將相而蓋當臺澎氣機

雖銷窮瘁曉昧日對文身雕題之番衆與初被聲教

之餘黎猘悍陰鷙幻若蜃市官斯土者竭其耳目心

思綏輯調劑猶不免于牽制怨望匪特風濤險遠氣

候乖殊宦釜生塵舉司蕭條已也然幸

聖明洞灼萬里遐邇致之令懸不次之擢拔文武將吏咸
感激思奮從滄溟絕嶠中國心衡慮淬勵其才華薰
骨為

朝廷用公智勇忠實勞苦功高歷海徼若重之區滿漢
兵士番民畏威懷德所謂內外咸宜將相兼裕克膺
心膂股肱之寄者非其人乎旣以伏波橫海之偉望
贊虎賁龍驤之機務

天顏顧問恩禮有加其再祐東南拜彤弓路車之錫皆于
此行卜之矣爰為吟折柳贈別之詩以附饒歌之後
牙旗風正惜離群島嶼全收萬里雲鯨海長留銅柱
烈鳳城新典御林軍功高聞外類揔轡別後天涯只

憶君何日平原春
草綠
驛船重
醵五花文

詳請緩徵帶徵稿

周元文

為正供例應開徵民力寔苦不繼急請寬期以示撫恤事查得臺郡孤懸海外屢歲歉收今年亢旱之後繼以颶風既經罹此災傷而成似難期望民心皇皇實有朝不謀夕之慮前據各縣申報前來卑府隨卽轉報在案惟是定例開載凡被災州縣于具題之時錢糧先行停徵十分之三等語遵行已久今查臺屬正供粟石向係十月開徵若遵照成例先徵七分則此等災黎自救不贍遑顧輸將必致群情疑懼急遽堪虞若竟為寬緩則距明歲五月奏銷之期又為日無幾茲據該縣會詳暫緩開徵以示撫恤等由前來

卑府近聞卹抄本年七月內于欽奉

上諭事案內江南浙江兩省報災業蒙

大部議覆將應徵正項錢糧暫緩兩月等語合無仰
額憲仁俯照江浙緩徵之例恩賜霽轉俾海外子遺
稍蘇殘喘官兵頂戴鴻慈于罔極矣四十六年十月
初十日詳奉巡撫都院張 批如詳徵繳

第二詳稿

為海外迭被災傷窮民困苦已極籲懇速請緩徵以
甦民命事康熙四十七年閏三月二十八日據臺鳳
諸三縣里民吳信番民猫腰礁等連名簽呈前事該
卑府查得臺郡孤懸海外地瘠民貧四十六年又罹